

Inatsisissatut siunnersuummut oqaaseqaatit

## Oqaaseqaatit nalinginnaasut

### 1. Aallaqqaasiut

Inatsisartut inatsisaat nr. 7 ulloq 31. maj 2001-imeersoq sermip erngullu avammut nioqutissatut atorneqarnissaannut tunngasoq (sermip erngullu avammut nioqutiginissaannut inatsit)1. juli 2001 atuutilerpoq.

Sermip erngullu avammut nioqutiginissaannut inatsimmut tunngatillugu kiisalu inatsisip ingerlatsinermi atorneqarnerani misilittakkat takutippaat Naalakkersuisut sermimik imermillu avammut tunioraanermut oqartussaasuisa, kiisalu akileraartarnikkut oqartussaasuisa sermip erngullu avammut nioqutiginissaannut inatsimmut atatillugu paasissutissanik uppernarsaatinillu pissarsisarnissaannut atatillugu inatsisitigut ersarissumik allaqqasunik pilersitsineq iluaqutaassagaluartoq. Tamanna ilaatigut pisinnaagaluarpoq taamatut ingerlatsinissamut akuersissummik pigisaqartup tunisassiornerup qanoq annertutigineranik naatsorsuinikkut akileraarutinik akitsuutinillu (royalties), taamatullu akileraarutinik allanik akilersuinerisa annertussusiannik nakkutiginninneq pisinnaagaluarpat.

Aatsitassat tungaasigut misilittakkat takutippaat nalunaaruteqartarnerni akitsuutinillu (royalties) akileraarutinillu akiliioraanermik nakkutilliinermi periutsimik ingerlaqatigiinnik imminnullu paarlaasinnaasunik pilersitsinissaq iluarnerpaajussoq, taamaaliornikkut suliani taamaattuni inuiaqatigiit soqutiginerpaasaat qulakkeerneqassagaluarpat. Manna tikillugu Kalaallit-nunaanni sermimik imermillu nunanut allamut tunioraanissaq siunertaralugu atuneq killeqarsimavoq, taamaattorli Naalakkersuisut isumaqarput maleruagassanik periutsinillu qajannaatsunik pilersitsinissaq iluarnerpaajussasoq, taamaaliornikkut naleqqussaaneq oqartussallu inuussutissarsiornerup tamatuma annertusiartulernissaa sillimaffisiginiarmassuk.

Kiisalu aatsitassat tungaasigut misilittakkat takutippaat nakkutiginninnermi nakkutilliinermilu maleruagassat periutsillu sulianik akuersissuteqarnermut ilaatinneqartunut aammattaaq akuersissummik pigisaqartup sulisuinut, entreprenørinut, kiffartuussinermik suliaqartuinut pilersuisuinut assigisaanullu ilaatinneqarpata iluarnerussasoq. Kiisalu misilittakkat takutinnikuuvaat isumaqatigiissuteqarfisat taamaattut akuersutinut ilaatinneqartunut

tunngatillugu paasissutissanik uppersaatinillu tunniussisarnissaanut pisussaaffilerneqarpata iluarnersasoq.

Sermip ergullu avammut nioqutiginissaanut inatsimmi allannguinermi matumani inatsimmi oqartussani taaguutaasut namminersornermi inatsit tunngavigalugu allanngortinneqarput tassa oqaatsit "landsstyret" aamma "namminersorerullutik oqartussat" oqaatsinut "Naalackersuisut"-nut aamma "namminersorlutik oqartussat"-nut allanngortinneqarlutik.

## **2. Siunnersuummi immikkoortit pinaarnerit**

### *2.1. Oqartussat taaguutaasa allanngortinneri*

Siunnersuutikkut sermip ergullu avammut nioqutiginissaanut inatsimmi oqartussat taaguutaat oqaatsit "landsstyret" aamma "namminersorerullutik oqartussat" oqaatsinut "Naalackersuisut"-nut aamma "namminersorlutik oqartussat"-nut allanngortinneqarput. Inatsimmi oqartussat taaguutaat namminersornermi inatsimmi oqartussat taaguutaanut taamaliornikkut naleqqussarneqarput

### *2.2. Akuersissummik tunuliaqutaqarluni sulianut avammullu tunioraanermut tunngatillugu paasissutissanik uppersaatinillu tunniussisinnaaneq*

Siunnersuutikkut Naalackersuisut sermip ergullu avammut nioqutiginissaannik akuersissutitalimmik suliaqartuniit paasissutissanik uppersaatinillu pissarsisarnerannut tunngatillugu maleruagassat nutaanngortinneqarlutillu allanngortinneqarneri aalajangersaavigneqarput.

Siunnersuut tunngavigalugu akuersissummik pigisaqartuniit taamatullu inunniit suliffinniillu inatsimmut ilaatinneqartuniit paasissutissanik uppersaatinillu tunniussinissamut pisussaaffeqarnermut ilaatinneqarput, naak taakkua akuersissummik tunniussinermut inatsisip avtaatgigut sulianik ingerlatsisuugaluartut, naallu inatsimmi § 2 tunngavigalugu akuersissummik piunasaqaataagaluartuq.

Siunnersuut tunngavigalugu Naalackersuisut aalajangersinnaavaat inatsimmi maleruagassat tunngavigalugit akuersissummik pigisaqartup sulisui, entreprenørit, kiffartuussinermik suliaqartui pilersuisut assigisaallu Naalackersuisunut paasissutissanik uppersaatinillu tunniussinissamut pisussaaffiliinermut ilaatinneqassasut, tamannalu akuersissummik pigisaqartup qulakkiissagaa

<b>Inatsisissatut siunnersuut inatsimmut atuuttumut atatillugu</b>	
<i>Oqaasertaliornera atuuttoq</i>	<i>Inatsisissatut siunnersuut</i>
	<b>§ 1</b>
	Inatsisartut inatsisaat nr. 7 ulloq 31. maj

	<p>2001-imeersoq sermip erngullu avammut nioqqutissatut atorineqarnissaat pillugu Inatsisartut inatsisaanni (sermip erngullu avammut nioqqutiginissaannut inatsit) makkua allanngortinneqassapput:</p>
	<p><b>1.</b> Inatsisartut inatsisaanni tamarmi oqaaseq "Landsstyret" "Naalakkersuisut"-nut allanngortinneqassaaq.</p>
	<p><b>2.</b> Inatsisartut inatsisaanni tamarmi oqaatsit "namminersornerullutik oqartussat" "namminersorlutik oqartussat"-nut kiisalu "namminersornerullutik oqartussat" "namminersorlutik oqartussat"-nut allanngortinneqassapput.</p>
<p><b>§ 18.</b> Piginnaatitaanermik pigisaqartup</p> <p>Naalakkersuisunut tunniuttussaavai paasissutissat suusulluunniit suliffeqarfiup pisortanit suliarineqarnerani pisariaqartinneqartut. Pisortat suliarinninnerata naammassineqarnissaa anguniarlugu Naalakkersuisut piginnaatitsissummik pigisaqartoq peqqusinnaavaat paasissutissat pisariaqartitaasut nassiuteqqullugit.</p> <p><i>Imm. 2.</i> Akuersissummik pigisaqartut suliaasimasut taakkulu inerneru ukiut tamaasa nalunaarutigisassavaat, matumani ilanngullugit ingerlatap avatangiisinut sunniutai. Nalunaartarnissamut piunarsaatit akuersissutini aalajangersarneqartassapput.</p>	<p><b>3.</b> §§ 18 imatut oqaasertaqassaaq:</p> <p>" § 18. Piginnaatitsinermik pigisaqartut allallu Inatsisartut inatsisaannut ilaasut Naalakkersuisunut tunniuttussaavaat paasissutissat uppernarsaatilluunniit suliffeqarfiup pisortanit suliarineqarnerani pisariaqartinneqartut. Pisortat suliarinninnerata naammassineqarnissaa anguniarlugu Naalakkersuisut piginnaatitsissummik pigisaqartut peqqusinnaavaat paasissutissat pisariaqartitaasut nassiuteqqullugit.</p> <p><i>Imm. 2.</i> Akuersissummik pigisaqartut suliaasimasut taakkulu inerneru ukiut tamaasa nalunaarutigisassavaat, matumani ilanngullugit ingerlatap avatangiisinut sunniutai. Nalunaartarnissamut piunarsaatit akuersissutini aalajangersarneqartassapput.</p> <p><i>Imm.3.</i> Naalakkersuisut akuersissummik pigisaqartup sulisumi entreprenørit, kiffartuussinermi silisuni kiisalu pilersuisuni</p>

	<p>assigisaallu akuersissuteqarnermut ilaatinneqartumut taamatullu inatsisartut inatsisaat tunngavigalugit sulianut ingerlataminnut avammullu tunioraanerminnut tunngatillugu paasissutissanik uppersaatinillu tunniussisarnissamut piunarsaatinik aalajangersaasinnaapput.</p> <p><i>Imm. 4. Naalakkersuisut akuersissummik pigisaqartup sulisumi entreprenør, kiffartuusinermit silisuni kiisalu pilersuisuni assigisaallu akuersissuteqarnermut ilaatinneqartumut taamatullu inatsisartut inatsisaat tunngavigalugit sulianut ingerlataminnut avammullu tunioraanerminnut tunngatillugu paasissutissanik uppersaatinillu tunniussisarnissamut pisussaaffilerneqassanersorlu pillugu aalajangersaasinnaapput."</i></p>
	<p><b>4. § 29, imm. 2, nr. 3, imatut oqaasertaqassaaq:</b></p> <p>” 3) § 12, imm. 1, § 13, § 18, imm. 2 imaluunniit 3, § 21, imm. 2, imaluunniit § 26 naapertorlugit nalunaarutigineqartut piunarsaatit sanioqquppai.”</p>
	<p><b>5. § 29, imm. 2, nr. 4, imatut oqaasertaqassaaq:</b></p> <p>” 4) § 10, imm. 2, imaluunniit § 17, imm. 1-imi peqqussutitut nalunaarsukkat imaluunniit § 18, imm. 1, 3 imaluunniit 4-mi peqqussutitut aamma aalajangiussatut nalunaarsukkat malittarinissaat ilaginnarpai.”</p>
	<p style="text-align: center;"><b>§ 2</b></p>

	<p>”Imm. 1. Inatsisartut inatsisaat atuutilissaaq ulloq 1. juli 2014.</p> <p>Imm. 2. Sermip ergullu avammut nioqqutissatut atorneqarnissaannut imaluunniit misissueqqaarnissamut akuersissutit Inatsisartut inatsisaata atuutilersinneratigut tunniunneqartut atuuttussaanertik ingerlatiinnassavaat. Kiisalu Inatsisartut inatsisaat akuersissutini taamaattuni, atuinissamut, akuersissutini taamaattuni avammut nioqqutissatut atorneqarnissaannut akuersissutit sermip ergullu avammut nioqqutiginnissaannut inatsimmut ilaasut akuersissuteqarfigineqarsimasut inatsisartut inatsisaata atuutilernerani ingerlaannassapput.”</p>
--	---

### 3. Aningaasaqarnikkut allaffissorinnikkullu pisortanut kingunerisassai

Siunnersuutip kingunerissavaa Naalakkersuisut sermip ergullu avammut nioqqutiginnissaannut akuersissummik tunniussinermi paasissutissanik uppersaatinillu tunniussinissamut pisussaaffiliineq, aamma Inatsisartut inatsisaat tunngavigalugu akuersissummik pigisartup suleqataanut akuersissummik pigisaqarnikkaluartunut Inatsisartut inatsisaannut ersarissumik ilaatinneqalernerat. Paasissutissat Naalakkersuisut sermip ergullu avammut nioqqutiginnissaannut oqartussaasuisa saniatigut Naalakkersuisut akileraartarnermi oqartussai ilaapput, taamaattumik oqartussaasut taakua immikkoorlutik suleatigiillutilluunniit tuniasassiornerup annertussusaanut qanorlu isertitsissutaatigineranut nalunaarutaasartut eqqortuunersut kiisalu akitsutaasinnaasunik akileraarutinillu tuniasassiornerup annertususaa qanorlu naleqarnera tunngavigalugu naatsorsorneqarsimasunik (royalties) (inatsimmi § 26 tunngavigalugu) eqqortumik akiliisarnersut nakkutigissavaat.

Taamattumik siunnertuutip siunertaraa Namminersorlutik Oqartussat sermip ergullu avammut nioqqutiginerani isertitaqarnissaasa qulakkeernissaa.

Naatsorsuutigineqarpoq siunnersuut aqutugalugu tuniasassiornermik taamatullu akitsuu-taasinnaasunik akileraarutinillu akiliisarnernik nalunaaruteqartarnerit pillugit oqartussaaffiit atuumassuteqartut nakkutilliinerat nakkutiginninnerallu pitsaanerulerninneqassasoq pisariil-lisarneqassasorlu. Naalakkersuisut oqartussaasa nalunaaruteqartarnermik akiliisarnernillu nakkutilliinerminnut nakkutiginninnerminnullu atatillugu allaffissornerminnut aningaasanik sulisunillu atuinertik ingerlatiinnassavaat, taamaattorli allannguutissamik siunnersuuteqar-

nikkut oqartussat tamakkuninnga suliaqarnermik ingerlatsinerminni pitsaanerusunik pisariin-  
nerusunillu sakkussaqaalersinneqassapput.

**4. Aningaasaqarnikkut allaffissornikkullu inuussutissarsiornermut kingunerisassai**

Ilimagineqarpoq siunnersuut aningaasaqarnikkut kinguneqassanngitsoq taamaallaalli  
allaffissornikkut killilimmik inuussutissarsiornermut kinguneqassasoq.

**5. Avatangiisinut, pinngortitamut innuttaasullu peqqissusaannut kingunerisassai**

Siunnersuut avatangiisinut, pinngortitamut innuttaasullu peqqissusaannut kinguneqartussatut  
naatsorsuutigineqanngilaq.

**6. Innutaasunut kingunerisassai**

Siunnersuut innuttaasunut kinguneqartussatut naatsorsuutigineqanngilaq.

**7. Kingunerisassat allat malunaateqartut**

Siunnersuut malunnaatilimmik kinguneqassasoq naatsorsuutigineqanngilaq.

**8. Pisutanut kattuffinnut assigisaanullu tusarniutigineqarnera**

Siunnersuut piffissami 4. december 2013-imit 6. januar 2014-imut oqartussaqaqarfinnut,  
kattuffinnut suliffeqarfinnullu makkununnga tusarsiuutigineqarnikuuvoq:

KANUKOKA, Qaasuitsup Kommunia, Qeqqata Kommunia, Kommuneqarfik Sermersooq,  
Kommune Kujalleq, Sermersooq Erhvervsråd, Qeqqata Erhvervsråd, Bank Nordik,  
GrønlandsBanken, Greenland Venture, Greenland Business, Naalakkersuisut Siulittaasuata  
Naalakkersuisoqarfia, Peqqissutsimut Attaveqarnermullu Naalakkersuisoqarfik,  
Aningaasaqarnermut Nunamullu Namminermut Naalakkersuisoqarfik, Aalisarnermut,  
Piniarnermut Nunalerinermullu Naalakkersuisoqarfik, Ilaqutariinnermut Inatsisinillu  
Atuutsitsinermut Naalakkersuisoqarfik, Ilinniartitaanermut, Ilageeqarnermut,  
Kultureqarnermut Naligiissitaanermullu Naalakkersuisoqarfik, Avatangiisinut  
Pinngortitamullu Naalakkersuisoqarfik aamma Ineqarnermut Naalakkersuisoqarfik.

Tusarniaanerup ingerlanerani tusarniaanermut akissutit taamatullu allannguutissatut  
siunnersuutit tiguneqarsimasut tunngavigalugit matuma kingornagut suliarineqassapput.  
Tusarniaanermut akissutit taamaallaat pingaaruteqassusaannik naliliisoqarneranik  
tunngaveqarluni pingaarnersiorlugit ilanngunneqarput.

Makkunanit tusarniaanermut akissutit pissarsiarineqarput: Aningaasaqarnermut Nunamullu  
Namminermut Naalakkersuisoqarfik, Ilaqutariinnermut Inatsisinillu Atuutsitsinermut  
Naalakkersuisoqarfik, Peqqissutsimut Attaveqarnermullu Naalakkersuisoqarfik,  
KANUKOKA, Kommune Kujalleq, Kommuneqarfik Sermersooq, Qeqqata Kommunia,  
Kalaallit Nunaanni Politiit.

Ilaqutariinnermut Inatsisinillu Atuutsitsinermit Naalakkersuisoqarfik, Peqqissutsimut Attaveqasrnermullu Naalakkersuisoqarfik, KANUKOKA, Kommune Kujalleq, Qeqqata Kommunian aamma Kalaallit Nunaanni Politiit inatsisissatut siunnersuummut oqaaseqaateqanngillat.

*Aningaasaqarnermut Nunamullu Namminermit Naalakkersuisoqarfiup nalunaarppaa: ”Tunngavilersuutit ilaattut siunnersuummut oqaaseqaatini nalunaarneqarpoq akileraarutinut akitsuutinullu nakkutilliinissamut sianigisassaq. Tunngavilersuutinit sianigisassaq taanna ilaajunnaartissasoq siunnersuutigineqarpoq, pissutigalugu akileraarutinut akitsuutinullu suliassaqarfimmi nakkutilliinissamik piginnaasat akileraarutinut akitsuutinullu inatsisaasuni maleruagassanit inatsilersugaammata; matumani ingammik akileraarutit aqunneqarneri pillugit inatsisartut inatsisaanni maleruagassanit. Taamaattumik akileraarutinik akitsuutinillu Akileraartarnermit Aqutsisoqarfik nakkutilliisarnissamut piginnaaneqassasoq kissaatigineqarpat tamanna akileraarutinut akitsuutinullu inatsisaasuni pingaarutilinni ilassutigineqartariaqarpoq”.*

Suliassaqarfimmi suliassat piviusut isumaginerinut atatillugu aqqissuussivimmik akitsuutinik (royalties) akileraarutinillu nalunaaruteqarlunilu akiliisarnernik periutsumik ingerlaqatigiinnik imminnullu paarlaassinnaasunik nakkutilliinernik isumannaarisinnaasunik pilersitsinissaq tulluartuusoq takutissimavaat. Taamaalilluni annertunerusumik nalunaaruteqartarnissamut aamma paasissutissanik nakkutilliillunilu pissarsiornissamut pisinnaatitaaffimmik pisariaqartitsisoqartoq paasineqarsimavoq.

*Kommuneqarfik Sermersuup siunnersuut tapersersorpaa.*

## **Inatsisissatut siunnersuummi aalajangersakkanut ataasiakkanut oqaaseqaatit**

### *§ 1-imut*

Nr. 1-imut

Namminersornermut inatsisip 21, juni 2009 atuutilernerani pisortanut taaguut "Landsstyret" "Naalakkersuisut"-nut allanngortinneqarpoq.

Sermip erngullu avammut nioqqutiginiissaannut inatsimmi allannguinermi matumani inatsimmi oqartussani taaguutaasut namminersornermi inatsit tunngavigalugu allanngortinneqarput tassa oqaaseq "landsstyret" oqaatsimut "Naalakkersuisut"-mut allanngortinneqarluni.

Nr. 2

Namminersornermut inatsisip 21, juni 2009 atuutilernerani pisortanut taaguut "namminersorerullutik oqartussat" "namminersorlutik oqartussat"-nut allanngortinneqarpoq.

Sermip erngullu avammut nioqqutiginiissaannut inatsimmi allannguinermi matumani inatsimmi oqartussani taaguutaasut namminersornermi inatsit tunngavigalugu allanngortinneqarput tassa oqaaseq "namminersorerullutik oqartussat" oqaatsimut "namminersorllutik oqartussat"-nut - allanngortinneqarlutik.

Nr. 3-mut (§ 18, imm. 1)

Aalajangersakkap inatsimmi atuutumi § 18 imm. 1-imi maleruagassat tungaviusut tunngavigai ingerlateqqillugillu. Aalajangersagaq aqquitalugu maleruagassat atuuffiat ersarissarneqarlunilu annertusineqarpoq.

Akuersissummik pigisaqartup paasissutissanik tunniussaqaarnissamut pisussaaffinut uppernarsaatinik tunniussaqaartussanerata ilaatinneqarnera ersseqqisaatigineqarpoq.

Kiisalu aalajangersarneqarpoq paasissutissanik nalunaarutinik kiisalu uppernarsaatinik tunniussaqaarnissamut pisussaaffeqarnerup akuersissummik pigisaqartumut atuunnerata saniatigut aammattaaq inatsimmi ilaatinneqartunut allanut, tassa inunmut suliffeqarfinnullu akuersissummik pigisaqanngitsunut suliassanik inatsimmi pineqartunik suliaqartunut aammattaaq atuuttoq, naak inatsimmi § 2 tunngavigalugu akuersissummik pigisaqaarnissaq piunasaqaataagaluartoq. Taamaaliornikkut aammattaaq erseqqisaatigineqarpoq, pisussaaffeqarneq tamanna akuersissummik pigisaqartunut akuersissutaataanut ilaanngikkaluartunik, sularisinaasaat inatsimmut ilaatinneqartut, tamatumunnga ilanngullugu suliassat taamaattut inatsimmi § 2 tunngavigalugu pinngitsooratik akuersissummik peqartussat.



Kiisalu erseqqissarneqarpoq paasissutissanik nalunaarutinin kiisalu uppernatsaatinik tunniussaqaarnissamut pisussaaffeqarnerup akuersissummik pigisaqartumut atuunnerata saniatigut aammattaaq inatsimmi ilaatinneqartunut allanut, tassa inunnt suliffeqarfinnullu akuersissummik pigisaqaangitsunut suliassanik inatsimmi pineqartunik suliaqartunut aammattaaq atuuttoq, naak akuersissummik pigisaqaarnissaq piunasaqaataagaluartoq.

Naggataatigullu erseqqissaatigineqassaaq paasissutissanik nalunaarutinin kiisalu uppernatsaatinik tunniussaqaarnissamut pisussaaffeqarneq Naalakkersuisut pisariaqartutut isigisaattut oqaasertalerlugu isikkoqartillugu tunniunneqassasoq aalajangersinnaammassuk.

Nr. 3-mut (§ 18, imm. 2)

Aalajangersakkap inatsimmi atuuttumi § 18 imm. 2-mik ingerlateqqippaa.

Nr. 3 (§ 18, imm. 3)

Aalajngersagaq inatsimmut atuuttumut sanilliullugu nutaajuvoq

Aalajangersagaq tunngavugalugu Naalakkersuisut aalajangersinnaavaat akuersissummik pigisaqartup sulisui, entreprenørit, kiffartuussinermik suliaqartui pilersuisut assigisaallu sulianut avammullu tunioraanissamut akuersissummumut tunngassuteqartunut inaluunnit Inatsisartut inaatsisaannut tunngassuteqartunut tunngatillugu Naalakkersuisunut paasissutissanik uppernarsaatinillu tunniussinissamut pisussaaffimmik piviusunngortitsinissaat qulakkiissavaa.

Tamanna Naalakkersuisut aalajangiiffigisinnaavaat akuersissummik tunniussinermut atatillugu atugassarititaasusssanik aalajangersaanikkut imaluunniit akuersussuteqarnerup kingornatigut suliaqaarnissamut pilersaarutinin akuersissuteqarnikkut imaluunniit tamatuma tungaatigut toqqaannartumik aalajangiinikkut.

Aalajangersakkamut ilaatinneqarput akuersissummik pigisaqartup sulisui, entreprenørit, kiffartuussinermik suliaqartui pilersuisut assigisaallu, aammattaaq taakku isumaqatigiisuteqarfigisaat kiisalu taamatut isumaqatigiisuteqarfigisat isumaqatigiisuteqarfigisaat aammalu suli taakkua isumaqatigiisuteqarfigisaat.

Paasissutissanik uppernarsaatinillu tunniussinissamut pisussaaffeqarneq suliassanut avammullu tunioraanissamut atuuppoq, tassa sulianut avammullu tunioraanissamut akuersissummumut tunngasunut, inatsimmi § 2 tunngavigalugu akuersissummik peqaarnissamik piunasaqaateqarfiusunik, taamaattorlu taamaattumik akuersissuteqarani suliarineqartunut.

Nr. 3-mut (§ 18, imm. 4)

Aalajangersagaq inatsimmut atuuttumut naleqqiullugu nutaajuvoq.

Aalajangersagaq tunngavugalugu Naalakkersuisut aalajangersinnaavaat akuersissummik pigisaqartup sulisui, entreprenørit, kiffartuussinermik suliaqartui pilersuisut assigisaallu sulianut avammullu tunioraanissamut akuersissummut tunngassuteqartunut imaluunniit Inatsisartut inaatsisaannut tunngassuteqartunut tunngatillugu Naalakkersuisunut paasissutissanik uppernarsaatinillu tunniussinissamut pisussaaffimmik piviusunngortitsinissaat qulakkiissavaa.

Aalajangersakkamut ilaatinneqarput akuersissummik pigisaqartup sulisui, entreprenørit, kiffartuussinermik suliaqartui pilersuisut assigisaallu, aammattaarlu taakku isumaqatigiissuteqarfigisaat kiisalu taamatut isumaqatigiissuteqarfigisat isumaqatigiissuteqarfigisaat aammalu suli taakkua isumaqatigiissuteqarfigisaat.

Paasissutissanik uppernarsaatinillu tunniussinissamut pisussaaffeqarneq suliassanut avammullu tunioraanissamut atuuppoq, tassa sulianut avammullu tunioraanissamut akuersissummut tunngasunut, inatsimmilu § 3 imaluunniit § 4 tunngavigalugit akuersissummik peqarnissamik piumasaqaateqarfiusunik, taamaattorlu taamaattumik akuersissuteqarani suliarineqartunut.

Aalajangersagaq aallaavittut atorneqarsinnaasariaqanngilaq paasissutissat uppernarsaatillu akuersissummik peqartumit namminermit pissarsiarineqarpata, tamannalu nakkutilliinermik nakkutiginninnermillu suliaqarnermut annertunerusumik akornutaanngitsumik pisinnaappat.

Nr. 4-mut (§ 29, imm. 2, nr. 3)

Allanguut tassaavoq siunnersuummi § 18-ip allanngortitaanerata kingunerisaa. Taamaalilluni maannakkut § 29, imm. 2, nr. 3 naapertorlugu Inatsisartut inatsisaanni § 18, imm. 2 imaluunniit 3-p nassatarisaannik piumasaqaatit nalunaarutigineqartut unioqputinneqarsinnaaneri akiligassiissuteqarnermik kinguneqartinneqarsinnaapput.

Nr. 5-imut (§ 29, imm. 2, nr. 4)

Allanguut tassaavoq siunnersuummi § 18-ip allanngortitaanerata kingunerisaa. Taamaalilluni maannakkut § 29, imm. 2, nr. 4 naapertorlugu Inatsisartut inatsisaanni § 18, imm. 1, 3 imaluunniit 4 naapertorlugit peqqussutaasunik imaluunniit aalajangiussanik malittarinninnissanik ilaginnaasinnaaneri akiligassiissuteqarnermik kinguneqartinneqarsinnapput.

## *§ 2-mut*

§ 2, imm. 1-imut

Aalajangersagaq siunnersuutip ullormut atuutilerfissaanut tunngasuvoq.

Siunnersuut 1. juli 2014-imi atuutilissasoq siunnersuutigineqarpoq.

§ 2, imm. 2-mut

Aalajangersagaq inatsisissatut siunnersuutip atuutilerfiani akuersissutinut tunniunneqareersunut atuuppoq.

Aalajangersakkap qulakkiissavaa, inatsisissatut siunnersuutip kingunerisaanik sermimik imermillu tunioraanermi inatsit atuuttoq tunngavigalugu akuersissutit tunniunneqarsimasut atuuttullu atorunnaarsinneqannginnissaat imaluunniit sermimik imermillu tunioraanermi inatsimmi ilaajunnaarsinneqannginnissat.

Ilutigalugulu aalajangersakkap aalajangersassavaa inatsisissatut siunnersuut akuersissutini sulianilu pineqartuni atorneqarnissaa, tassa sermimik imermillu tunioraanermi inatsisissatut siunnersuutip atuutisinneqarnerata kingornatigut.